

Erroizpe Elkarteak umezurtz



Oraingo honetan berri txar batekin natorkizue. Dagoeneko jakingo duzuen bezala Usurbilen eta nola ez Txokoalden oso ezaguna genuen Iñaxio, gehiengoaren ustez hobea den beste mundu batera joan zaigu.

Medikuek zein bere familiartekoei Iñaxioentzat onena zelakoan ebakuntza egitea erabaki zuten eta loalditik esnatutakoan sagardo eskatzen bazuen ere ezin izan zuen ospitaletik onik irten, heriotzak bisita egin zion eta berarekin eraman zuen.

Iñaxio beti ikusten genuen alai; bere astoaren laguntzarekin lanean ari zenean, eguneroko Andatza alderako ibilaldian eta baita Erroizpe Elkartearen lanean zein laguntzartean zegoenean ere.

Nik orain artean ezin izan dut inoiz Erroizpe Elkartearen Iñaxiorik gabe imajinatu baina hemendik aurrera ohitu egin beharko dugu horretara ere. Badirudi orain Erroizpe Elkarteak umezurtz geratu dela, izan ere Iñaxioek zera-zeraman gauza guztien martxa eta zaila izango da orain gauzak berak bezain ondo eramango dituen ordezko bat aurkitzea.

Beti izango zaitugu gogoan Iñaxio, adiorik ez, gero arte.



Uda usainean



Kosta egin bada ere, eta oraindik goizetako Kpreskurak hortxe diraude, udako usainak leku hartu die neguko egun hotzei. Jendeak jada atera ditu udako arropa arinak, oinetako freskoak eta abar baina ez hori bakarrik; festa usaina ere nabari da. Santa Krutzak izan dira Andoainen, San Telmoak Zumaian, San Prudentzioak Lazkaon eta datozeinei begira jendea jada prestatzen ari da; batzuk dantzak ikasten egun berezietarako, besteak, eta urteroko legez, danbor-hotsak nola ziren gogora ekarri arazten, eta hirugarren batzuk, berriz, afariak antolatzen. Azken batean, eta denak ere, jaietan parte hartzeko asmoz.

Beste gai bati helduz, oso gustuko dut Arratzaingo buelta ematea eta aukera eta gogoak biak bat egiten dutenean, tipi-tapa buelta ematera joaten naiz. Ba, duela ez denbora asko, sorpresa ikaragarria eraman nuen buelta ematen ari nintzela hilerri berriaren inguruan argia pasatzeko posteak jarri zituztela ikusi nuenean. Zera galdetu nion neure buruari "honaino bakarrik pasatzeko asmoa ote dute edo eta buelta osoan zehar jartzekoa?"

Bada beste gai bat azkenaldian bereziki kezkatzen nauena; saneamendua. Goikalde hauetan dagoen etxe edo baserri bakoitzak bere saneamendu sistema jarri behar izan zuen garai hartan eta gaur egun ere berdin, ez bait dago saneamenduko hodi nagusirik hemen inguruetan. Eta dagokionari luzatzen diodan galdera honakoa da; ez al legoke aukerarik saneamendurako hodia pasa eta horrela ingurugiroari kalte gutxiago egin?

Porlantokieta



Portland hiria Ameriketako Estatu Batuetan aurkitzen da, Portland harrobia Olaztin, porlan lantegia Añorgan. Irubide eta Usurbilgo mugetan Belartza, orain porlanez beterik, garai batean muino eta paraje ederrez osaturik. Gaur egungo toponimia guztia Porlantokieta bihurtzera doa.

Izenak mantentzen dira, baina egindako aldaketek inolako esanahirik gabe uzten dute: Soro Arte, Belartza, Osinalde, Ugaldealdea.... Diru gosea ezin aserik egundoko abiaduran gure ingurune guztia eraldatzen ari da: bidezidorrak autopista, errepideak ilargirako bidea... Abiadura azkarra da nagusi, baina nora iristeko? Inora ez, abailan abiatu, berriz leku berera iristeko.



Badatorrelaa!



Usurbilgo Sagardo Eguna herriarentzat prestaturiko jaiak da, eta bertan herrikoek gain herri ezberdinetako jende mordoak bilduko da urtero legez festa giroan sagardoaren usaina gurean bihurtu arte. Baina galdetu al zarete inoiz zergatik sagardoaren inguruan hainbeste egun eta festa dauden? Azken urte hauetan, sagardoa geroz eta estimazio handiagoa duen neurrian, edaria bera jai eta ospakizun askoren ardatz bilakatu da. Horren adibide Usurbilgo Sagardo Eguna dugu; 1982az geroztik Gipuzkoan ospatzen den sagardoaren inguruko jairik garrantzitsuenak da. Bertan 45 sagardotegiko sagardoa izateaz gain, sagardogintza, erakusketak, jakiak, gozogintza, irrirtziak, sagardo-botatzaileen lehiaketa, trikiritza doinuak,... izaten dira.

Dagoeneko festa giroa hasi da izan ere Sagardo Egunaren Lagunak antolatuta pasa den maiatzaren 12an sagardo dastatze afaria egin baitzen Mahaspildegia Elkartearen. Xabier Kamio enologoak gidatuta 20 bat lagunek sagardo klase ezberdinak dastatzeko aukera izan zuten, sagardoaren ezaugarri bereziak ezagutzuz: kolorea, txinparta, gorputza, usaina, bizitasuna, lehortasuna, gozotasuna eta garbitasuna. Igandean berriz XXV. Sagardo Egunaren zipriztinez gozatzeko aukera izango dugu. Ondo pasa!

